

大清聖祖仁皇帝實錄

大清聖祖合天弘運文武睿哲恭儉寬裕孝敬
誠信中和功德大成仁皇帝實錄卷之二百八

十五

監修總裁官光祿大夫太保兼太子太傅保和殿大學士兼戶部尚書二等伯加四

級臣馬齊光祿大夫經筵日講官起居注少保兼太子太保保和殿大學士仍兼

管吏部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總裁官光祿大夫文華殿大學士兼吏部尚書臣朱軾等奉

敕修

康熙五十八年己亥秋七月壬申朔享

太廟遣散秩大臣伯富大禮行禮○癸酉議政大臣等議覆都統武格等疏報江寧之兵已抵沅州地方褊小大兵難以久居遂將湖南湖北雲南貴州各營之馬先撥給江寧兵四千九十八匹將前鋒作一起八旗官兵作四起令副都統吳納哈帶領陸續起程前往雲南俟浙江兵到之時亦照江寧兵馬之例料理令副都統噶什帶領陸續起程前往雲南

臣等馳赴雲南詳視可以駐兵形勝地方。並作何安設兵馬之處。再行奏聞。應行令都統武格。俟兵馬到齊時。與地方官會商。在雲南之中甸左近。應駐兵馬之形勝地方。酌量駐扎。仍不時偵探。準噶爾確信。即令其接應。法喇從之。○甲戌。陞通政使司左通政格爾布爲內閣學士兼禮部侍郎。○丁丑。以故奉恩將軍納爾特之子納爾庫襲職。○陞浙江杭州副將林達爲浙江黃巖總兵官。直隸石匣

副將張致爲河南南陽總兵官○庚辰大理

寺卿李敏啟丁母憂命回籍守制○辛巳

孝懿皇后忌辰遣官祭

陵○癸未陞副都統宗查布爲西安將軍○丙

戌中元節遣官祭

永陵

福陵

昭陵

暫安奉殿

孝陵。

孝東陵。

仁孝皇后。

孝昭皇后。

孝懿皇后陵○山東巡撫李樹德疏報。今歲二麥豐收。恭進土產麥麵。

上諭大學士等曰。據巡撫李樹德奏。山東闔省雨暘時若。二麥豐收。貢獻麥麵。此端一開。各省必互相效法。貢獻各色物件。不惟事煩抑

或不肖有司。借端科派。苦累小民。亦未可定。
所進麥麵。著發還。○兵部題。原任固原提督
潘育龍。奉旨授爲鎮綏將軍。其標下中軍。改
設副將。今潘育龍已故。將天津總兵官馬見
伯。補授固原提督。其標下中軍副將。應仍改
設叅將。見在副將陳俊。應令暫管叅將事。仍
赴軍前効力。從之。○己丑。陞江寧城守營副
將陳天培。爲蘇松總兵官。○乙未。以故奉恩
將軍石憲之子誠文。襲職。○予故山西大同

總兵官張自興祭葬如例○杜爾伯特固山貝子沙進故遣官致祭○議政大臣等議覆撫遠大將軍允禔疏言。辦理軍餉之原任侍郎色爾圖等。扣剋軍糧。應將色爾圖照失悞軍機律擬斬。筆帖式戴通。擬絞。俱解部監候秋後處決。應如所擬。得旨。色爾圖依擬應斬。戴通依擬應絞。俱仍鎖禁西寧。遇有苦差之處差遣○又議覆撫遠大將軍允禔疏言。原任都統胡錫圖。帶兵來時。沿途索詐官吏騷

擾百姓。進藏之時。人馬傷損。回時不親自率
領兵丁。先行進口。應將胡錫圖。枷號鞭責。解
送京城完結。應如所擬。得旨。胡錫圖。仍鎖禁
西寧。遇有效力之處。發往効力。○科爾沁和
碩端敏公主。來請安。○科爾沁達爾漢親王
和碩額駙羅卜藏滾布。來朝。○戊戌。兵喇忒
鎮國公達拉瑪西禮。來朝。○己亥。議政大臣
等議覆。四川總督年羹堯疏報。松潘總兵官
路振揚等。令守備周瑛。領兵出口。於巡查邊

界之便。令其招撫鐵布生番。而阿念塘惡番。不遵勸諭。且復抗拒。射傷差去之人。守備周瑛。即奮勇率兵而進。殺二百餘賊。生擒五十餘人。并獲馬匹等物。查該督先將周瑛題補漳臘營遊擊。業已准其補授。其擒獲之五十餘人。俟審明具題。到日再議。所得之馬匹等物。令其賞給綠旗兵丁。從之。○庚子。工部議覆。河道總督趙世顯疏言。入夏以來。水勢相繼泛漲。將唐埂等處滾水壩閘。次第開放。以

資宣洩。各處工程俱修整平穩。惟山盱汎之
古溝。茆家圍二處。漫溢過水。應勒限修堵。但
今正值水大之時。宜令暫緩堵閉。留爲宣洩。
驟漲之水。俟水勢稍退。即行修築。應如所請。
從之。○以巴林故固山貝子鄂齊爾桑子巴
忒麻襲爵。○翁牛特和碩溫恪公主來請安。
○翁牛特多羅杜楞郡王和碩額駙蒼津來
朝。

八月。辛丑朔。○壬寅。戶部議覆蕪湖關監督

赫昌疏言。蕪湖關缺欠錢糧。因江西湖廣糧船二千餘隻。每年過關。旗丁任意將貨物滿載。船尾拴扎木筏。不令查驗。請諭總漕。令兩省糧道。於本處糧船載米起運後。親身先行到關查驗放行。如有裝載貨物木筏。盡行入官。庶於糧船無悞。而關課亦不致多缺。應如所請。令總漕於湖廣江西二省漕船載米起運後。令各該糧道至上流漢口吳城馬頭。親身稽查。仍嚴飭押運官弁。每船照定例除六

十擔土宜外。不許多載私貨。如有違例多載。及拴扎木筏過關者。將貨物入官。該管糧道押運官弁。一并題叅治罪。從之。○萬齊忒多羅郡王雅穆聘爾來朝。○甲辰。喀爾喀輔國公安扎爾來朝。○乙巳。命發貴州鎮遠府常平倉穀賑濟鎮遠。施秉二縣被災貧民。○工部議覆河道總督趙世顯疏言。山清二縣運河。清河縣中河頭草壩。徐州郭家嘴長樊大壩。睢寧縣王家堂宿遷縣陳家道口。桃源縣

九里岡。胡家莊東壩尾。宿遷縣黃河北岸葉
家莊等處。請加幫隄工。建築挑水壩。下埽保
固草壩。應如所請。從之。○丙午。烏朱穆秦多
羅貝勒博木布。喀爾喀多羅貝勒拉穆扎。○
來朝。○丁未。遣大學士蕭永藻祭。

先師孔子。○議政大臣等議覆。振武將軍傅
爾丹等疏言。臣等遵旨查明應發回之官兵
有右衛。索倫等處官員一百一十人。兵丁二
千一百六十八名。俱年老有病。相應發回。至

於自備前來効力之原任副都統常關保等六十八員。俱年老殘疾。無力行走。亦應發回。台吉蘇克都爾所屬十一佐領內種地官二員。撥什庫甲兵七十八名。應發回。令往驛站行走。此發回兵丁之行月錢糧。羊價銀兩。均添與內地二十三處扎薩克。並喀喇沁。及種地之土默特兵丁跟役。但此項尚不敷用。請每月加增銀六千兩。將羊價每隻折銀一兩給發。俱應如所請。從之。○戊申。祭

大社

大稷。遣散秩大臣伯富大禮行禮。○己酉。

太宗文皇帝忌辰。遣官祭

昭陵。○庚戌。

上行圍。命皇三子和碩誠親王允祉。皇十五子

允禩。皇十六子允祿。皇二十子允禔。隨駕。是

日。自熱河啓行。駐蹕中關。○陞太常寺卿張

大有。爲大理寺卿。○吏部議覆。浙江巡撫朱

軾疏。叅浙江巡鹽御史哈爾金。往紹所掣鹽

風聞挾妓酣酒。因而毆傷平民。又額外加派。勒寫銀票。應遣部院官一員。前往審明定擬。得旨。著刑部尚書張廷樞。內閣學士德音。前往審理。○右衛副都統羅察。以老病乞休。允之。○辛亥。秋分。夕。

月於西郊。遣刑部尚書賴都行禮。○

太祖高皇帝忌辰。遣官祭

福陵。○壬子。

上駐蹕博洛和屯。○察哈爾公達錫林臣。教漢